

Racheter: ilz ne voudroient
 La raison est car ilz craindroient
 Deliurer leurs mains de tes biens
 Se tu reuenops et que riens
 Ne leur en demourast diceulx
 Lesquelz que ton corps aiment mieulx

Tantal^o de
 quo Laact
 tius.

Nommer ie te puis tantalus
 Qui est es infernaulx palus
 Pres de leau qui de soif tarist
 Et pres dung poirier et perist
 De fain. car quant il cuide boire
 Leau se besse trop. et la poire
 Quant la veult prendre par assault
 Le poirier se lieue si hault
 Que toucher ni pe. at nullement
 Et de soif et fai y poirement
 Demeure tousiours souffceteux

Considere bien maseureux
 Et ceyp et te donne garde
 Que le grant feu denfer ne tarde
 Mieulx te vauldroit abandonner
 Et aux pauures tes biens donner
 Que tumber en ce dur torment
 Et pour ce top vis incessamment
 Du nom du benoist ihesucrist
 Qui pour nous dure mort souffrist
 Faiz des biens puis que tu en as
 Car apres ta mort rien nauras
 Et par ce moien paruenir
 Pourras es cieulx en laduenir
 Sans souffrir l'infemale honte

Tullius in
 paradoxis.

Lis bien ce que tulle raconte
 Qui dit que iamais homme saige
 Ne fut qui voulsist par oultraige
 Regner puissamment en ce monde
 Mais dunz cueur et pensee monde
 Ne demande que sapience
 A celle fin quen pacience
 Et en paix en ce monde viue
 Et que mondains plaisirs eschiue
 Ce que le saige peult bien faire
 Sans auoir nullement affaire

Des spectacles et vanitez
 De ces ordes mondanitez
 Nous auons dedens le decret
 Que crassus homme mal discret
 Desiroit auoir dor grans sommes
 Ce quil eut bien seurs nous en sommes
 Mais dor par les parthes apres
 Fut empoisonne tout expres
 Que tant il auoit procure
 Dont par luy nous est figure
 Que ce que nous aymons si fort
 Nous procure souuent la mort
 Deoir le pouez par cest exemple
 Je vous suppli que son comtemple
 De socrates la pseudommie
 Qui son tresor ne voulut mpe
 Emporter quant voulut vacquer
 Et son cueur et corps appliquer
 A veoir de la philozophie
 Disant richesse estre ennemye
 De science. au moien de quoy
 Luy qui auoit si bien de quoy
 Secta tous ses biens en la mer
 Dont nul ne le scauroit blasmer

i. q. i. q. qdē
 A. crassus

xij. q. ij. glō
 ria epi.

Et pour ce donc pauures humains
 Qui trauallez et soirs et mains
 Aux biens et tresors acquerir
 Pensez y sans plus requerir
 Tant de biens affin ques grans flames
 Naillent en fin voz pauures ames

Des nouueaulx ritz et nou
 uelles coustumes.

Celuy qui nouueaustez desire
 Meete sus entre pauures gens
 Fait et rend comme ie puis dire
 Maintes ieunes gens indigens
 Aussi qui les vieulx estatx gens
 Meete sus est fol et pour certain
 Lung fol tient lautre par la main

b3